

2019-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerpeqarneranut

ILASSUTITUT ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini
kingullermik ilaasortarai:

Inatsisartunut ilaasortaq Karl Kristian Kruse, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia

Inatsisartunut ilaasortaq Niels Thomsen, Demokraatit

Inatsisartunut ilaasortaq Jess Svane, Siumut

Inatsisartunut ilaasortaq Múte Bourup Egede, Inuit Ataqtigiit

Inatsisartunut ilaasortaq Mala Høy Kúko, Siumut

Inatsisartunut ilaasortaq Jens Napaattooq, Partii Naleraq

Imarisai:

1. Aallaqqaasiut.....	4
2. Aningaasaqarnermut Akileraartarnermullu Ataatsimiititaliap apeqquai/oqaaseqaatai aalajangersimasut – suliassa qarfinnut agguataarlugit	8
3. Aningaasaliissutinut allannguutissatut siunnersuutit	8
3.1. Sammisqaq 6 – Teknikikkut allannguutit, pingajussaaneerinninneq	9
3.2. Sammisqaq 7 – Pingajussaaneerinninnissamut missingersuutinut sunniuteqanngitsumik allannguutit.....	10
3.3. Sammisqaq 8 – Isertitassanut missingiutit nutaat inatsisillu piumasqaataat naapertorlugit aningasartuutinut missingiutit nutaat, pingajussaaneerinninneq	11
3.4 Sammisqaq 9 – Pingajussaaneerinninnissamut aningaasartuuteqarnerunissat.....	12
3.5 Sammisqaq 10 – Kontoni pingaarnerni 20.11.56 aamma 24.13.50 atugassanngortitsineq	13
3.6 Sammisqaq 11 – Pinerlittaalisitsinermut inatsit naapertorlugu ulloq unnuarlu angerlarsimaf-finnut inissiineq.....	14
3.7 Sammisqaq 12 – Mittarfeqarfiit pilersuiffigisaanni innaallagissap erngullu akiinik assigiilersitsineq	14
3.8 Sammisqaq 13 – Aningaasanut inatsit pillugu isumaqatigiissut	15
4. Oqaasertaliussanut allannguutissatut siunnersuutit.....	15
4.1. Naalakkersuisut oqaasertaliussanut allannguutissatut siunnersuutaat.....	15
5. Aningaasaqarnermut Ataatsimiititaliap inassuteqaatai	18

Ilanngussanut takussutissiaq:

- E Aningaasanut inatsisissatut siunnersuutip aappassaaneerneqarneranut Naalakkersuisut allannguutissatut siunnersuutaat pillugit Aningaasaqarnermut Akileraartarnermullu Ataatsimiititaliap apeqqtai kiisalu Naalakkersuisut akissutaat 21. november 2018-imeersut.
- F Konto pingaarneq 64.10.25, uulia gasilu pillugit periusissamut tunngasoq, pillugu Aningaasaqarnermut Akileraartarnermullu Ataatsimiititaliap siunnersuutissamut apeqqtai kiisalu Naalakkersuisup oqaasissaanut allakkiaq 22. november 2018-imeersoq.
- G Siunnersuutip pingajussaaneerneqarnissaanut Naalakkersuisut aningaasaliissutinut allannguutissatut siunnersuutaat 23. november 2018-imeersut. (Allannguutissatut siunnersuutit nr. 85-237).
- H Siunnersuutip pingajussaaneerneqarnissaanut Naalakkersuisut oqaasertaliussanut allannguutissatut siunnersuutaat 16. november 2017-imeersut. (Allannguutissatut siunnersuutit nr. 238-259).

1. Aallaqqaasiut

1.1 Siunnersuutip aappassaaneerenera

Aningaasanut inatsisissatut siunnersuut Inatsisartunit pingasunngornermi ulloq 12. november 2018-imi aappassaaneerreqarpoq. Siunnersuummik aappassaaneerinninnermi siunnersuut Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunneqarpoq.

Siunnersuutip aappassaaneerreqarneranut allannguutissatut siunnersuutini 84-inik Naalakkersuisut saqqummiussipput, taakkunannga 66-it aningaasaliissutitut allannguutissatut siunnersuutaapput 18-illu oqaasertaliussanut allannguutissatut siunnersuutaallutik. Aningaasaliissutitut allannguutissatut siunnersuutit tamarmik ataatsimiititaliap inassuteqarneratigit Inatsisartunit akuerineqarput. Taamatuttaaq oqaasertaliussanut allannguutissatut siunnersuutit akuerineqarput.

Aappassaaneerinninnissamut Naalakkersuisut allannguutissatut siunnersuutaasa akuerineqarnerisigit piffissap aningaasanut inatsiseqarfiusup oqimaaqatigiiffiunissaanik inatsisikkut piunasaqaat eqquutsinneqassanngimmat aappassaaneerinninnissamut isumaliutissiissumini Aningaasaqarnermut Akileraartarnermullu Ataatsimiititaliap oqaatigaa. Tamatuma kingorna piffissaq aningaasanut inatsiseqarfiusoq 2019-2022 tamaat isigissagaanni **IS-imi amigartoorutit** tamarmiusut 5,8 mio. kr.-iussapput.

Tassunga atatillugu isertitat aningaasartuutillu akornanni oqimaaqatigiittoqarnissaanik tungavik Naalakkersuisunit aalajangiusimaneqassasoq ataatsimiititaliamit naatsorsuutigineqarpoq, taamatullu pingajussaanerinnissamut allannguutissatut siunnersuusiornermi naammassineqarnissaa qularnaaqquneqarluni. Taamaattumillu ukiut tulliuttut sisamat ingerlaneranni isertitat aningaasartuutillu akornanni oqimaaqatigiittoqarnissaanut aningaasalersuutissat amigaataasut Naalakkersuisut pingajussaaneerinninnissamut allannguutissatut siunnersuutaasigut qanoq iluarsiniarneqarnerisut takunissaat ataatsimiititaliamit qilanaarineqarpoq. Tamanna piffissaq qanitooq isigalugu aalajangiisuulluinnarpoq.

Ungasinnerusorli isigalugu suliassaq annertunerujussuuvoq. Ajornartorsiut attassisinnaanermut siuariartornermullu pilersaarummi 2016-imeersumi ajunngilluinnartumik nassuiaatigineqarpoq. Tassani ilaatigut allassimavoq, pisortat ingerlataqarfiini isertitat aningaasartuutillu tamarmiusut ineriartorneri 2030-mi 1 mia. kr.-ingajannik ukiumut amigartooruteqarnermik kinguneqarsinnaasut, suliassat annertuut ilungersunartullu aaqqiiffigineqanngippata.

Taamaattumillu suliassaqarfiit ilaanni aningaasartuuteqarnissamik piariaqartitsinerup anner-tuariartorneranut aningaasalersuutissanik nassaarniartoqartariaqassaaq, tamatumalu kingunerisinnaavaa aningaasartuutit ullumikkut sungiussimasatta tamarmik eqquutsinnissaannut nunatta karsianiittut naammanginnissaat. Tamatumali peqatigisaanik attassisinnaanermut

siuariartornermullu pilersaarummi allassimavoq ajornartorsiutit annertuut aaqqinneqarsinnaasut.

Pingaarnertigut pilersaarut iluarsaaqqinnermi sammivinnik sisamanik makkuninnga imaqarpoq:

- Ilinniarsimassutsip qaffasissusiata annertusinissaa
- Siuariartorneq siuarsarlugu aamma arlariinnik sammivilimmut aningaasaqarnermut allanngortitsineq
- Pisortat ingerlataqarfiinik nutarterineq
- Atugarissaarnermi pisartagarisat siunissamut qulakkeerpeqarneri

Iluarsaaqqinnermi sammiviit sisamat iluaqutigalugit aningaasartuutit isertitallu akomanni matussuserneqanngitsut, pisortat aningaasaqarneranni attassisinnaanermik ajornartorsiutit taaneqartup taamanilu 830 mio.-it missaannik annertussuseqartut taggineqartup, matussuserneqarnissaa kissaatigineqarpoq. Aningaasanut inatsisit ukiumoortut suliarineqarnerannut atatillugu tamatuma eqqumaffigineqarnissaa ataatsimiititaliamut aalajangiisuuvoq.

Immikkoortuni assigiinngitsuni pingaarnertut suliniutissat arlallit aappassaaneerinninnermi ujartorneqarmata ataatsimiititaliamit oqaatigineqassaaq. Aappassaaneerinninnermi pingaarnertut qulequttat eqikkarneranni isumaqarnarpoq attassisinnaanermut siuariartornermullu pilersaarummut 2016-imeersumut tunngaveqarsorinartut.

Attassisinnaanermut siuariartornermullu pilersaarummi suut tamarmik kalluarneqassapput, tassunga atatillugit peqqinnissaaq, isumaginninnermut tunngasut aamma suliffeqarnermut pissutsiniit allaffissornikkut, akileraarutitigut, attaveqaatinik inuussutissarsiutinilu siuarsaaneq. Inuiaqatigiit pitsaannerusut ingerlalluartullu qanoq pilersinnissaannut napatitsinnermut siuariartortitsinissamullu pilersaarut toqqammavinnik inissiissaaq.

Iluarsaaqqinnissap pisariaqarnera Naalackersuisunit eqqumaffigineqartoq ataatsimiititaliamit maluginiarneqarpoq. Assersuutigalugu aningaasanut inatsisissatut siunnersuummut nalinginnaasumik nassuiaatini Naalackersuisut allapput inuiaqatigiit aaqqissugaanerata ineriartornera aammalu aningaasaqarnikkut imminut napatinnissamik aningaasaqarnikkullu arlalinnik sammiveqarlunilu aningaasaqarnermik patajaannerusumik kissaateqarnerup nassatarisaanik ineriartorneq siumut saatseqqullugu siunissamut ungasinnerusumut atuuttusannik iluarsartuusseqqinnerit aallartinneqassasut. Nangillutik Naalackersuisut allapput Naalackersuisut Inatsisartullu ineriartornermik namminneq aqutsisinnaanermi pituttorsimannngitsumik iliuuseqaannassappata siunissami ungasinnerusumi aaqqissuusaanikkut unammilligassat aaqqiivigiumallugit iluarsartuusseqqinnerit akuersissutigineqartariaqartut. Kiisalu Naalackersuisut ilaatigut allapput ataqatigiissaartumik siunissamullu qularnaarisumik iluarsartuusissagaanni naalackersuisoqarfiit ataasiakkaat immikkoortunut pilersaarusiornissaat pilersaarutillu taakku naalackersuisoqarfiit akimorlugit ataqatigiissaarneqarnissaat pisaria-

qartoq. Tamatumani Naalakkersuisut akerleriuminaapput, maannali attassisinnaanermut siuariartornermullu pilersaarutip saqqummiunneqarneranit ukiut pingasungajaat ingerlareerput. Naalakkersuisut maanna killiffimmit angusaqarnerusimassasut ataatsimiititaliamit neriuutigineqaraluarpoq.

Aningaasaqarnermut Siunnersuisoqatigiit 2016-imi nalunaarusiaata imarai aningaasat nalingisa nikerarnerat pillugu ilimagisat, taamanikkut aningaasarsiornikkut ingerlatsineq ilinniartitaanerlu.

Attassisinnaanermut siuariartornermullu pilersaarummi aalisarnerup, aatsitassarsiornerup takornariaqarnerullu iluini periarfissat qitiutillugit sammineqarnerat pissusissamisoortoq siunnersuisoqatigiit isumaqarput, tassa inuussutissarsiornikkut siammassinnerusumik tunngaveqarnissami tunngavissat suliassaqarfinni nunap iluaquteqarfigeriigaani annertunerusumilluunniit ineriartortissinnaasaani nassaarineqartariaqassammata. Imminut napatittumik aningaasaqarnissami inuussutissarsiornikkut tunngaviup pisortat tapiissuteqartarnerannik tunngaveqanngitsup pilersinnissaa aalajangiisuusoq siunnersuisoqatigiinnit erseqqissaatigineqarpoq. Taamaattumillu siunnersuisoqatigiit isumaat malillugu inuussutissarsiummut ingerlatamulluunniit aalajangersimasumut pisortat tapiissuteqassappata tamatumani aallaavigineqassaaq akimmiffiit qaangerniarnissaannut piffissami sivikinnerusumi tapiissuteqarnissaaq, taamaalilluni inuussutissarsiut nunani tamalaani unammilleqatigiinnermi unammillersinnaaleqqullugu. Taamaangippat akileraartartut aamma/imaluunniit atuisut tassaasapput akiliuteqartut, tamatumalu peqatigisaanik nunap unammillersinnaassusia ajornerulersinneqassalluni.

Sulisusaqartitsiniarneq inuussutissarsiornikkut anguniakkanik aalajangersaanermi annertuumik pingaartinneqartartoq, tamannalu assersuutigalugu tulaassisussaataaneq, nunalerinermi anguniakkat, aalisarsinnaanermut akuersissutit il.il. eqqarsaatigalugit atuuttoq siunnersuisoqatigiit tikkuarpaat. Tamatumani aarlerinarsinnaasoq tassaavoq ataavartumik tapiissuteqartariaqarneq, taamaalilluni aaqqissuussaannikkut naleqqussaanissat pisariaqartut pinngitsoortinneqarnerat. Taamaattumik inuussutissarsiornermut tapiissutit piffissamat killiligaanissaat aammalu suliniummut tapiissuteqassagaanni qularnaveeqqusiissagaanniluunniit aningaaseriviup imaluunniit taarsigassarsinissamat naliliisarfiup taarsigassarsinissamik sukumiisumik naliliisimanissaat pisariaqartoq attassisinnaanermut siuariartornermullu pilersaarummi naqissuserneqarmat siunnersuisoqatigiit naapertuuttutut isigaat. Tamatuma peqatigisaanik toqqaannartumik toqqaannangitsumillu tapiissutit aalajangersaavigisinnajumallugit inuussutissarsiornikkut anguniakkat tamarmiusut qulaajaavigineqartariaqarput, tamatumalu kingorna tunngavissat taakku naapertorlugit naleqqussarneqarlutik.

Siunnersuisoqatigiit isumaat malillugu aningaasaqarneq tamarmiusoq aalisarnerup nikerarneranit sunnersimaneqarpoq. Piffissaq qaninnerusoq isigalugu isumalluarnaraluarpaluunniit siunnersuisoqatigiit naliliinerat malillugu inuussutissarsiornikkut tunngavissat

ikittuinnaanerat aammalu sulisinnaasut appassissumik ilinniagaqarnerat eqqarsaatigalugit aaqqissuussaaniikkut ajornartorsiuteqarpoq sulii aaqqinneqarsimangitsunik.

Siunnersuisoqatigiit isumaat malillugu attassisinnaanermut siuariartormullu pilersaarut anguniakkanik iliuusissatullu nalunaarutinik amerlasuunik imaqarpoq, ajoraluartumilli naalackersuinikkut iliuusissat/aaqqissuusseqinnerit aalajangersimasut annikitsuinnaallutik.

Naalackersuinikkut iliuuseqartoqarnissaa aalajangiisuusoq Siunnersuisoqatigiit isumaqarput. Ajoraluartumillu Siunnersuisoqatigiit oqarnerat ataatsimiititaliap ilumooreraannarsinnaavaa. Oqaatigineqareersutut attassisinnaanermut siuariartormullu pilersaarummik Siunnersuisoqatigiit saqqummiussinerannit ukiut pingasungajaat qaangiuteriikatapput. Siunissami aningaasaqarnikkut anguniakkat tunngavissallu aningaasanut inatsimmik suliaqarneq aqqu-tigalugu piviusunngortinneqartussat nassuiaatigineqarnerisa ingerlateqqiinnarneqarnissaa ataatsimiititaliap isumaa malillugu naammakkunnaarpoq. Maanna Naalackersuinikkut iliuuseqartoqartariaqalerpoq.

Kiisalu mittarfiliornissat maanna akuersissutigineqarnerat ataatsimiititaliamit nuannaarutigineqarmat oqaatigineqassaaq. Aaqqiissutissaq nunatta karsiata annertuumik aningaasartuuteqarneranik nassataqartussaangitsoq, kisiannili aningaasartuutit aningaasaliisunuinnaangitsoq (nunatta karsianut naalagaaffiullu karsianut) aammali ilanngaattissat ilanngaatigereerlugit inuiaqatigiit aningaasaqarneranni iluanaaruteqarnikkut inuiaqatigiinnut utertillugit akilerneqarnissaannik kinguneqartussaq toqqarneqarpoq. Tamatuma saniatigut attaveqarnerup pitsaanerulerneratigut taamaalillunilu tikikkuminarnerulernikkut assersuutigalugu takornariaqarnermik inuussutissarsiutinut aammalu inuussutissarsiornikkut suliniutinut allanut aningaasaleerusussutsip annertuseriarneratigut pitsaasumik kinguneqarnissaa naatsorsuutigineqarpoq. Attaveqarnermut aningaasaliineq taanna iluarsaaqqinnermut, suliassaqarfiit sinnerinut kiisalu aningaasaqarnikkut ataavartumik siuariartornissamik kissaateqarnermut tapertaasinnaasumut assersuutissaasoq pitsaasoq ataatsimiititaliaq naliliivoq.

Tamanna tunngavigalugu aningaasanut inatsisissatut siunnersuutip Inatsisartunit pingajussaaneerneqarnissaanut Aningaasaqarnermut Akileraartarnermullu Ataatsimiititaliaq matumuuna ilassutitut isumaliutissiissuteqarpoq.

1.2 Allanguutissatut siunnersuutit

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinut isumaqatigiinniarnert tunngavigalugit Naalackersuisut allanguutissatut siunnersuutininik 175-inik ulloq 23. november 2018-imi saqqummiussippot. Taakkunannga 153-it aningaasaliissutinut allanguutissatut siunnersuutaappot, tak. ilanngussaq G, 22-llu oqaasertaliussanut allanguutissatut siunnersuutaallutik, tak. ilanngussaq H.

AIS2019-ip appassaaneerneqarnerani pingajussaaneerneqarneranilu IST-p IS-illu inerneranut sunniutissat tamarmiusut takussutissiami matuma kingulianiittumi takutinneqarput. Malugeqquneqarpoq sinneqartoorutit saaminni minusimik nalunaarneqarmata.

Aningaasat mio. kr.-inngorlugit.	2019	2020	2021	2022
AIS2019-imi IST-p inernerana	-24,5	-0,8	-28,2	1,2
AI2019-imi IS-ip inernerana	-19,6	8,7	-18,0	11,2
Aappassaaneerinninnermi allannguutissatut siunnersuutit IST-mut sunniutaat:	17,3	10,6	-1,6	-2,9
Aappassaaneerinninnermi IST-p inernerana	-7,2	9,8	-29,7	-1,7
Aappassaaneerinninnermi IS-p inernerana	-2,3	19,3	-19,5	8,3
Pingajussaaneerinninnissamat allannguutissatut siunnersuutit IST-mut sunniutaat:	-4,8	-16,4	6,9	-12,6
Pingajussaaneerinninnermi IST-p inernerana	-12,1	-6,6	-22,8	-14,3
Pingajussaaneerinninnermi IS-p inernerana	-7,2	3,0	-12,6	-4,3

Takussutissiami siuliani aappassaaneerinninnermut pingajussaaneerinninnermullu allannguutissatut siunnersuutitigut, allannguutissatut siunnersuutit saqqummiunneqartutut akuersissutigineqassappata, 2019-imi IS-ip inerneranik 7,2 mio. kr-inik AI2019-p sinneqartoorfiunissaa takuneqarsinnaavoq. 2019-2022-mut piffissaq tamakkerlugu IS-p ataasimut inernerana 21,2 mio. kr-inik sinneqartoorfiussaaq.

IST-mik naatsorsuinnermi piffissaq 2019-2022 tamakkerlugu 55,8 mio. kr-inik sinneqartoorfiussaaq.

2. Aningaasaqarnermut Akileraartarnermullu Ataatsimiititaliap apeqquatai/oqaaseqaatai aalajangersimasut – suliassaqarfinnut agguataarlugit

Ataatsimiititaliaq immikkuullarissunit oqaaseqaatissaqanngilaq.

3. Aningaasaliissutinut allannguutissatut siunnersuutit

Siusinnerusukkut taaneqareersutut Naalakkersuisut aningaasaliissutinut allannguutissatut siunnersuutininik nutaanik 175-inik aammalu oqaasertaliussanut allannguutissatut

siunnersuutiniq 22-nik saqqummiussipput. Taamaalillunilu pingajussaaneerinninnissamut allannguutissatut siunnersuutit katillutik 175-iupput. Sammisat 6-13-imut agguataarlugit konto pingaarnertut sammisat arfineq pingasuusut ilanngussaq 1-imi takuneqarsinnaavoq. Sammisat ataasiakkaat imarisaat pingaarnertut matuma kinguliani naatsumik allaaserineqarput.

Aningaasaliissutitut takussutissiaq Naalakkersuisut allannguutissatut siunnersuutaannut saarlinnngorlugu ilanngunneqarpoq, taannalu ilassutitut isumaliutissiisummut ilanngussaq G-tut ilanngunneqarpoq.

Pingajussaaneerinninnissamut aningaasaliissutitut allannguutissatut siunnersuutit sammisatut ukununga immikkoortinneqarsimapput:

- sammisat 6: Teknikikkut allannguutit, pingajussaaneerinninneq: allannguutissatut siunnersuutit 14-it
- sammisat 7: Pingajussaaneerinninnissamut missingersuutitut sunniuteqanngitsumik allannguutit: allannguutissatut siunnersuutit 9-at
- sammisat 8: Isertitassanut missingiutit nutaat inatsisillu piumasaqaataat naapertorlugit aningasartuutitut missingiutit nutaat, pingajussaaneerinninneq: allannguutissatut siunnersuutit 9-at
- sammisat 9: Pingajussaaneerinninnissamut aningaasartuuteqarnerunissat: allannguutissatut siunnersuutit 5-at
- sammisat 10: Kontoni pingaarnertut 20.11.56 aamma 24.13.50 atugassanngortitsineq: allannguutissatut siunnersuutit 75-it
- sammisat 11: Pinerlittaalisitsinermut inatsit naapertorlugu ulloq unnuarlu angerlarsimaffinnut inissiineq: allannguutissatut siunnersuutit 2-t
- sammisat 12: Mittarfeqarfiit pilersuiffigisaanni innaallagissap erngullu akiinik assigiilersitsineq: allannguutissatut siunnersuutit 5-at
- sammisat 13: Aningaasanut inatsit pillugu isumaqatigiissut: allannguutissatut siunnersuutit marluk

3.1. Sammisat 6 – Teknikikkut allannguutit, pingajussaaneerinninneq

Qulequttami tassani allannguutissatut siunnersuutit 14-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2018-imi ukiunilu missingersuusiortiusuni IST-mut sunniuteqassanngillat.

Sammisat 2018-mi oqartussaaffinnik allannguutit tunuliaqutarlugit missingersuutitut tapiliussat oqaasertaasa iluarsinissaat aammalu inatsisitigut toqqammaviit nutarsarnissaat ilaatigut qinnutigineqarpoq. Konto pingaarnertut 24.11.23 Nukissiornermi ikummatissat avatangiisinut akitsuutaat Avatangiisinut Aningaasaateqarfik pillugu inatsisissatut siunnersuutit akuersissutigineqarnerata kingunerisaanik iluarsineqassasoq qinnutigineqarpoq, taamaalilluni Avatangiisinut Aningaasaateqarfup naatsorsuutigineqartumik ulloq 1. Januar 2019-mi pilersinneqarnermunit kontomi pingaarnertut iluanaarutisiassatut missingersuutigineqartut

annertoqqataanik isertitaqarnissaa allassimassalluni. Konto pingaarneq 84.40.15 Ilinniartut inaannik sanaartorneq Paamiuni ilinniartut inaasa iluarsartuunneqarneranut 5 mio. kr-it atugassiissutigineqarnissaat qinnutigineqarpoq.

Allannguutissatut siunnersuutinit ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 6-p ataani allannguutissatut siunnersuutit nr. 85-imit 98-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaaat**.

3.2. Sammissaq 7 – Pingajussaaneerinninnissamut missingersuutinit sunniuteqanngitsumik allannguutit

Qulequttami tassani allannguutissatut siunnersuutinit 9-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2019-imi ukiunilu missingersuusiorfiusumi IST-mut sunniuteqassanngillat.

Konto pingaarneq 40.95.05 Nunatta Isiginnaartitsisarfia konto pingaarnermit 40.95.01 Eqqumiitsuliornermut kulturimullu tapiissutit allanit 1,5 mio. kr-inik ilassusiivigineqarnissaa qinnutigineqarpoq. Konto pingaarneq 40.95.01 Eqqumiitsuliornermut kulturimullu tapiissutit allat aningaasaliissutit amerlanerit suliniummit 'Isiginnaartitsisartunut isiginnaartitsinermulluunniit peqatigiiffinnut tapiissutit'-nit tiguneqassapput. Taamattaq sammisami 2018-mi septembarimi naalakkersuisut allanngornerisa kingunerisaanik naalakkersuisup allataata akissarsiaqartinneqarneranut naalakkersuisoqarfiit akornanni aningaasanik nuussinissaq qinnutigineqarpoq. Tamatuma saniatigut konto pingaarneq 87.11.09 Assartuussineq pillungu Isumalioqatigiissitaq – misissueqqaarnerit konto pingaarneq 72.20.07 Nakkutilliineq misissuinerlu, angallanneq ukiumut 1,0 mio. kr-it nuunneqarnissaat qinnutigineqarpoq, tassanilu aningaasat mittarfiliortiternermi Kangerlussuarmilu Narsarsuarmilu mittarfiit allanngortinnissaannik sulinernut atorneqassapput.

Allannguutissatut siunnersuutinit ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 7-ip ataani allannguutissatut siunnersuutit nr. 99-imit 107-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaaat**.

3.3. Sammisag 8 – Isertitassanut missingiutit nutaat inatsisillu piunasaqaataat naapertorlugit aningasartuutitut missingiutit nutaat, pingajussaaneerinnineq

Qulequttami tassani allannguutissatut siunnersuutit 9-nik Naalakkersuisut saqqummiussipput. Taakku IST-p inerneranut 2019-imi 32,9 mio. kr.-inik, 2020-imi 31,4 mio. kr.-inik aammalu 2021-mi 2022-milu 33,4 mio. kr.-inik pitsanngoriaataassapput.

Sammissami allannguutissatut siunnersuutit qulingiluat saqqummiunneqarput, taakkulu ukiumut 30 mio. kr.-it sinnerlugit missingersuutit pitsannguinermik kinguneqassapput. Missingersuutit pitsannguutit kontoni pingaarni ataasiakkaani annertuunik allannguutit nassataat. Konto pingarneq 10.13.10 Iluanaarutit, aktianik piginneqatigiiffinnilluunniit piginneqataassutit tunisinerillu allannguutissatut siunnersuummik ukiumut 36 mio. kr.-it missaannik missingersuutit ajornerulersitsisussamik nassataqartumik allannguutissatut siunnersuummik saqqummiussisoqarpoq. Aktiaatileqatigiiffinnit namminersorlutik oqartusanit pigineqartut iluanaarutisiassat pillugit nalunaarutigineqartut kingulliit tunuliaqutaralugit allannguutissatut siunnersuut saqqummiunneqarpoq.

Akerlianik konto pingarnermi 24.10.10 Nuna tamakkerlugu akileraarut ukiumut isertitassatut missingiutit 45 mio. kr.-inik qaffanneqarnissaat qinnutigineqarpoq. Qaffaat 2018-mi ineriartornerup malitsigisaanik pivoq, annertunertigullu akileraarutit A-nik ingerlaavartunit iluanaarutisiat annertunerunerannik kiisalu nunani allani soraarnerussutisiani katersanit akileraarutit ilanngaatinut annertunermik iluanaarutisiaqarnermit aallaaveqarput.

Taamattaaq aalisarnermi akitsuutit isertitassatut missingiutit nutaat malitsigisaanik allannguutissatut siunnersuummik saqqummiussisoqarpoq. Konto pingarnermi 24.11.12 Raajanut akitsuutit isertitassanik missingiummik ukiumut 20 mio. kr.-inik qaffaaneq akit ineriartornerannik 2019-milu raajanut TAC-p aalajangersarneqarnerata kinguneranik pivoq. Taamattaaq UKA2018-mi imm. 194-mi akitsuutit qaffasinnerpaaffiannit 17,5 procentimut 17,9 procentimut qaffaanissamik inatsisissatut siunnersuummik akuersinerup kinguneranik tamanna pivoq.

Naggataatigut konto pingarneq 67.02.07 Ilinniartunut tapiissutit – Majoriaq ukiumut aningaasartuutissatut missingiutit 6 mio. kr.-inik appartinneqarnissaa qinnutigineqarpoq. Taamaalluni AI2019-mi aningaasartuutissatut missingiutit N2017-mut kiisalu pineqartumi 2018-mi aningaasartuutissatut naatsorsuutigineqartunut naapertuutissaaq.

Allannguutissatut siunnersuutit ataasiakkaanut Aningaasaqarnermut Ataatsimiititaliaq ilassutit oqaaseqaatissaqanngilaq.

Sammisaq 8-p ataani allannguutissatut siunnersuutit nr. 108-mit 116-imut **akuerineqassassut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

3.4 Sammisag 9 – Pingajussaaneerinninnissamut aningaasartuuteqarnerunissat

Qulequttami tassani allannguutissatut siunnersuutininik 5-inik Naalackersuisut saqqummiussipput. Taakku IST-p inerneranut 2019-imi 4,397 mio. kr.-inik ukiunilu missingersuusiorfinni 2,8 mio. kr.-inik ajorseriaataassapput.

Sammissami uani 2019-mi konto pingaarnermi 34.12.01 Peqqinnissaqarfiit, nakorsanit sullinneqarneq 1,7 mio. kr.-inik immikkoortitsisoqarnissaanik allannguutissatut siunnersuummik saqqummiussisoqarpoq, tamannalu Nunap immikkoortuani Qeqertarsuup Tunuani Aasianni ulloq 1. februar 2019 aallarnerfigalugu ernisinnaanermut periarfissat atorunnaarsikkallarnerata kingunerisaanik pivoq. Tamatumani peqqinnissamik sulisunik naapertuuttunik ilinniagalinnik amigaateqarneq patsisaavoq. Ernisussat utaqqiisaagallartumik Nunap immikkoortuani Avannaani Ilulissanut nuunneqarallassapput. Iliuuseq piffissaligaanngitsumi iliuu-
5 \hPAGEREF HYPERLINK \l
llu naapertuuttunik ilinniagalinnik sulisussaqaalernikkut tigumminniinnarsiinnaalernissamullu utaqqiisaagallartumillu aaqqiinerulluni, tamannalu Naalackersuisut sulissutigissallugu aalajangiuppaat. Taamaammallu aningaasaliissutit 2019-mi suli-
niutitut ilassutagallartuupput.

Konto pingaarneq 77.05.08 Avatangiisinut aningaasaateqarfik ukiumut 1,0 mio. kr.-inik qaf-
faavigineqassasoq qinnutigineqarpoq. Allannguutissatut siunnersuut aqutigalugu AI2019-
mi konto pingaarnermi ukiumut 15 mio. kr.-erluinnaat immikkoortinneqarsimasassapput,
tamannalu konto pingaarnermi 24.11.23 Nukissiornermi ikummatissat avatangiisinut akit-
suutaat isertitassatut missingiutitut naapertuutissaaq. Tamanna Avatangiisinut aningaasaa-
teqarfik pillugu inatsisissatut siunnersuutip, sammisag 6-mi nassuiarneqartup malitsigisaanik
pivoq.

Taamattaaq konto pingaarnermut 20.30.10 Illuutininik ingerlatsineq Aserfallatsaaliuinerlu
aningaasaliissutit ukiumut 408.000 kr.-inik qaffanneqarnissaat qinnutigineqarpoq. Aningaa-
saliissutit qaffaassutaat namminersorlutik oqartussat kantiinaata (TAMU), 2018-mi anner-
tuumik sinneqartooruteqartup ingerlanneqarneranut tapiissutit qaffanneqarneranut atorne-
qassapput. Tapiissut ukiuni arlalinni nalimmassarneqarsimanngilaq. Aningaasaliissutit kiisa-
lu suliniutit allat 1 mio. kr.-it missaannik annertussuseqartut qaffanneqarnerisigut ingerlat-
sinermi isertitat aningaasartuutillu oqimaaqatigiinnissaat naatsorsuutigineqarpoq.

Naggataagut konto pingaarnermut 40.98.01 Digitalinngorsaaneermut Aqutsisoqarfik aningaa-
saliissutit 2019-mit 1.230.000 kr.-inik qaffanneqarnissaat qinnutigineqarpoq. Digitalinngor-
saaneermut Aqutsisoqarfiup aningaasat Qitiusumik Suliffeqarfinnik Nalunaarsuiffimmi nalu-
naarsuisarneq pillugu Namminersorlutik Oqartussat nalunaarutaat nr. 23, 22. december
2017-meersoq naapertorlugi Qitiusumik Suliffeqarfinnik Nalunaarsuiffimmik ingerlatsi-
nermut atussavai. Ingerlatsinermi aningaasartuutini ilaatigut CVR-mi nunatsinneersunik

nalunaarsukkanik Erhvervsstyrelsdip ingerlatsineranut aningaasartuutaanut kiisalu isumaqatigiissut naapertorlugu Netsimut akiliutinut ilapittuutit ilaapput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 9-p ataani allannguutissatut siunnersuutit nr. 117-imit 121-mut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaaat**.

3.5 Sammissaq 10 – Kontoni pingaarnerni 20.11.56 aamma 24.13.50 atugassanngortitsineq

Qulequttami tassani allannguutissatut siunnersuutininik 75-inik Naalakkersuisut saqqummiussipput. Taakku IST-p inerneranut 2019-imi 4,001 mio. kr.-inik, 2020-imi 4,2 mio. kr.-inik ajorseriaataassapput aammalu 2021-mi 2,2 mio. kr.-inik 2022-milu 4,0 mio. kr.-inik pitsanngoriaataassallutik.

Sammissami konto pingaarnerni 20.11.56 Missingersuutininik iluarsineq, allaffissorineq 15 mio. kr.-inik kiisalu konto pingaarnerni 24.13.50 Akileraartarnermi akitsuusiisarnermilu isertitaqarnerunissamut sillimmatit 20 mio. kr.-inik isertitaqarnerussutissat AIS2019-mut ilanngunneqarnissaat qinnutigineqarpoq. 35 mio. kr.-inik atugassanngortitsineq ukiuni aningaasanut inatsisiliorfiusuni ukiumut agguaqatigiissillugu 0,5 mio. kr.-it eqqaassanngikkaanni, 2019-2022 ataatsimut isigalugu missingersuutininut sunniuteqassanngilaq. Atugassanngortitsineq ilaatigut konto pingaarnerni 20.10.11 Ilanngaaseereerluni erniani, namminersorlutik oqartussat Nordisk Investeringsbankimi taarsigassarsianik erngup nukinganik sanaartornermut atatillugu taarsigassarsiarineqartuni, siusinaartumik matusinissaa tunngavissaatinneqarpoq. Taarsigassarsiat 2018-p naanerani 252 mio. kr.-inik annertussuseqarput. Siusinaartumik taarsigassarsianik matusineq kingusinnerpaamik 2019-mi qaammatit pingasukkaat siulliit naanerani pissasoq naatsorsuutigineqarpoq. Taamattaq konto pingaarnerni 20.11.70 Suliniutinut nutaanut sillimmatit 'ilinniartut sungiusartullu atorfinitsinnerini suliffiit pisor-tanilu oqartussaaffiit inuiaqatigiinni akisussaaffeqarnerat Inatsisartut inatsisaannut siunnersuutissaq' aningaasartuutissatut missingiussat nalileqqinneqarput. Tamatuma saniatigut konto pingaarnermut 80.00.01 Nuussinissanut sillimmatit ukiumut 12 mio. kr.-inik appartinneqarnissaa qinnutigineqarpoq. Konto pingaarnermut 64.12.02 Nukissiorfiit 2019-mit sipaarutit 4 mio. kr.-it ivertinneqarput. Sipaarutissat sinneri kontoni pingaarnerni arlalinni atugassanngortinneqarput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 10-ip ataani allannguutissatut siunnersuutit nr. 122-mit 196-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqtigiillu **inassutigaaat**.

3.6 Sammissaq 11 – Pinerlittaalisitsinermut inatsit naapertorlugu ulloq unnuarlu angerlarsimaf-finnut inissiineq

Qulequttami tassani allannguutissatut siunnersuutininik 2-nik Naalakkersuisut saqqummiussipput. Taakku IST-p inerneranut 2019-imi 8,743 mio. kr.-inik ukiunilu missingersuusiorfinni 8,7 mio. kr.-inik ajorseriaataassapput.

AIS2019-mi peqqinnissaqarfik inunnut tarnimikkut nappaatilinnut eqqarsartaatsimikkullu kinguarsimasunut pinerlittaalisitsinermut inatsit naapertorlugu eqqartuunneqarsimasunut aningaasartuutit qaffannerisa nassatarisaannik ukiumut 12 mio. kr.-inik qaffaavigineqarpoq. Sammisami tassani siunertamut 8,7 mio. kr.-inik sulii qaffaanissaq qinnutigineqarpoq. Peqatigisaanillu aningaasartuutip kontomut pingaarnermut nutaamut 34.11.09 Pinerluttaalisitsinermut inatsit naapertorlugu ulloq unnuarlu angerlarsimaffimmu inissiineq, AI2019-mi ukiumut 28,1 mio. kr.-inik aningaasartalittut ilanngunneqarnissaa qinnutigineqartumi, inatsisit naapertorlugit aningaasaliissutinngorlugu nuunneqarnissaa qinnutigineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 11-ip ataani allannguutissatut siunnersuutit nr. 197-imit 198-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqtigiillu **inassutigaaat**.

3.7 Sammissaq 12 – Mittarfeqarfiit pilersuiffigisaanni innaallagissap erngullu akiinik assigiilersitsineq

Qulequttami tassani allannguutissatut siunnersuutininik 5-inik Naalakkersuisut saqqummiussipput. Taakku IST-p inerneranut 2019-imi 1,250 mio. kr.-inik ukiunilu missingersuusiorfinni 1,3 mio. kr.-inik ajorseriaataassapput.

Nukissiuuteqarneq pillugu immikkoortumut pilersaarut naapertorlugu akinut Kangerlussuup, Narsarsuup Kulusuullu ilaalernissaasa nassatarisaannik allannguutissatut siunnersuutit tallimat saqqummiunneqarput, taamaalilluni Kalaallit Nunaanni illoqarfiit nunaqarfillu tarmik assigiimmik innaallagissamut imermullu akeqartitsilissapput Konto pingaarnemi 72.26.02 Mittarfeqarfiit siunertamut atugassatut ukiumut 4,9 mio. kr.-inik ilassusiivigineqarnissaa qinnutigineqarpoq. Tassani Kangerlussuarmi Narsarsuarmilu innaallagissamut imermullu akit appartinneqarnissaannut aningaasaliissutinut, tamaanimi innaallagissamik imermillu pilersuineq Mittarfeqarfinnit isumagineqarpoq. Innaallagissamut imermullu akit assigiit Kangerlussuarmi, Narsarsuarmi Kulusummilu atulersinneqarnerat ilaatigullu UKA2018-mi imm. 40 naapertorlugu aalajangiiffigisassatut siunnersuutip malitsigisaanik

pivoq. Aalajangiiffigisassatut siunnersuut siullermeerinninnermi Naalakkersuisunit akuersisutigineqassasoq innersuussutigineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 12-ip ataani allannguutissatut siunnersuutit nr. 199-imit 203-mut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqtigiillu **inassutigaaat**.

3.8 Sammissaq 13 – Aningaasanut inatsit pillugu isumaqtigiissut

Qulequttami tassani allannguutissatut siunnersuutininik 33-inik Naalakkersuisut saqqummiussippot. Taakku IST-p inerneranut 2019-imi 9,660 mio. kr.-inik ajorseriaataassappot, 2020-mi 2,0 mio. kr.-inik pitsanngoriaataassappot aammalu 2021-mi 29,7 mio. kr.-inik 2022-milu 12,0 mio. kr.-inik ajorseriaataassallutik.

Sammissaq partiit naalakkersuisooqtigiit Demokraatit aamma Inuit Ataqtigiit kiisalu Aningaasaqarnermut Nunanilu Avannarlerni Suleqtigiinnermut Naalakkersuisup aningaasanut inatsit pillugu isumaqtigiissuteqarnerisa kingunerannik pivoq. Allannguutissatut siunnersuutit ataasiakkaat imarisaat ilanngussaq 3-mi – 2019-mut Aningaasanut inatsit pillugu isumaqtigiissut - erseqqinnerusumik naasuiarneqarput. Tulliuttuni aningaasanut inatsit pillugu isumaqtigiissut ukiuni aningaasanut inatsisiliorfiusuni 2019-2022 40,8 mio. kr.-inik missingersuutininik ajorseriartitsisoq takuneqarsinnaavoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 13-ip ataani allannguutissatut siunnersuutit nr. 204-mit 237-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqtigiillu **inassutigaaat**.

4. Oqaasertaliussanut allannguutissatut siunnersuutit

4.1. Naalakkersuisut oqaasertaliussanut allannguutissatut siunnersuutaat

Ilanngussaq 2 naapertorlugu oqaasertaliussanut allannguutissatut siunnersuutininik katillugit 22-nik saqqummiussisoqarpoq. Allannguutissatut siunnersuutit taakku 238-mit 259-imut normoqarput. *Ilanngussaq 2*-mut attuumassuteqarput. Taakku isumaliutissiisummi **ilanngussaq H**-tut ilanngunneqarput.

Oqaasertaliussat teknikimut tunnganerusuupput, taamaattoq makku erseqqissaavigineqassapput:

Konto pingaarnermut 20.11.50 Ingerlatsinermi sillimmatit

Naalakkersuisut konto pingaarnermut 750.000 kr-it tikillugit atuisinnaanerannik piginnaatitsisumik oqaasertaliisoqassasoq siunnersuutigineqarpoq. Aningaasat Kalaallit Nunaanni nunat tamalaat ilisimatusaqatigiiffiannik pilersitsinissamut, Naalagaaffik qallunaat aningaasanut inatsisisaanni tassunga atugassanik immikkoortitsissappat, Kalaallit Nunaata aningaasaleeqataassutissaatut atorpeqassapput.

Konto pingaarnermut 24.11.10 Eqqussuinermi akitsuutit aamma 24.11.11 Qamutunut motoorilinnut akitsuutit

Eqqussuinermit akitsuuteqartitsinnginnerup kiisalu brintimik ingerlateqartunut plugin hybridbiilinullu qamutunut motoorilinnut akitsuuteqartitsinnginnerup 1. januar 2020-p tungaanut sivitsorneqarnissaanut oqaasertaliinissaq siunnersuutigineqarpoq. 2019-p ingerlanerani 2020-mit atuutilersussamik qamutunut motoorilinnut akitsuusersueriaatsimik nutaamik isummertoqassaaq.

Konto pingaarnermut 24.11.14 Naqissusiinermut akitsuut

Qaqortumi innaallagissiorfitoqqap B-3-p Nunatta Karsianut naqissusiinermut akitsuummumut akiliuteqarnani Kommune Kujallermut tunniunneqarsinnaanerannik pisinnaangortitsisumik oqaasertaliisoqarnissaa siunnersuutigineqarpoq. Oqaasertaliussaq konto pingaarnermut 85.50.20 Takornariartitsinermi sanaartorneq oqaasertaliussamik B-3-p suliffeqarfimmumut imminut pigisumut Greeland Visitor Centerimut akeqanngitsumik tunniunneqarsinnaanerannik periarfissiisumik ilassuserneqassaaq.

Suliassaqarfik 34 Peqqissutsimut Naalakkersuisoqarfik

Naalakkersuisut Novo Nordisk Fondenimik nunatsinni Steno Diabetes Centerimik pilersitsinissamik ingerlatsinissamillu isumaqatigiissuteqarsinnaanerannik pisinnaangortitsisumik oqaasertaliisoqassasoq siunnersuutigineqarpoq. Novo Nordisk centerimik pilersitsinissamut ilaatigut illorsuarmik siunertamut atorpeqartussamik sanaartornermut aningaasaliinikkut tapiissuteqassasoq naatsorsuutigineqarpoq. Suliniutip piviusunngortinneqarnissaanut pilersaarummik sukumiinerusumik sanasoqassaaq.

Siunertamut 40.91 Inuussutissarsiornermik ilinniarfiit

Oqaasertaliussanik aningaasaateqarfimmik Nuummi Niuernermik Ilinniarfiup Imarsiornermillu Ilinniarfiup taartissaanik ilinniartitaanermik qitiusoqarfimmik pilersitsinissamik suliniuteqartumik (campus Nuuk) Naalakkersuisut ukiuni arlalinni attartornissamik isumaqatigiissuteqarsinnaanerannik pisinnaangortitsisunik siunnersuuteqartoqarpoq. Illuutip ingerlanneqarneranut naapertuuttumik attartornissamik isumaqatigiissuteqarsinnaaneq taamaallaat pineqarpoq.

Konto pingaarnermut 64.10.32 Inuussutissarsiornermik siuarsaanissamik suliniutit

Naalakkersuisut Greenland Venture A/S-mik inuussutissarsiornermik siuarsaanermut tungasunik isumaqatigiissusiorsinnaanerannik pisinnaatitsisumik oqaasertaliinissaq siunnersuutigineqarpoq. Mittarfiliortiternermik suliniummi inuussutissarsiornikkullu suleqatigiinermik nukittorsaanissaq pillugu naalagaaffimmik isumaqatigiissut tunuliaqutaralugu, aningaasanik namminersorlutik oqartussat naalagaaffiullu aningasaliissutaannik Greenland Venturep atuisinnaanera oqaasertaliussakkut sinaakkuserneqarpoq.

Konto pingaarnernut 72.20.05 ilaasunik angallassinermut tapiissutit, 72.20.07 nakkutiginninneq nakkutiginneqqissaarnerlu, angallanneq aamma 72.26.02 Mittarfeqarfiit

Aappassaaneerinninnermi kontonut pingaarnernut taakkununga oqaasertaliussat suliffeqarfinnik namminersortunik aalajangersimasunik isumaqatigiissuteqarnernik toqqammavissii-sunik ilanngussisoqarpoq. Tamanna naapertuuttuunngilaq tamanillu isornartorsiuernermik kinguneqarluni. Taamaammat oqaasertaliussat naqqiissuteqarfigineqarput, taamaalilluni suliffeqarfinnut taakkununga innersuussinerit peerneqarlutik.

Kongo pingaarnermut 77.05.08 Avatangiisinut Aningaasaateqarfik

Atuinerunerit atuinikinnerunerillu ukiumut aningaasaqarnermut inatsiseqarfiusumut tullermut nuussinnaanerinik pisinnaatitsisunik oqaasertaliinissaq siunnersuutigineqarpoq. Oqaasertaliussat taamaalillutik avatangiisinut aningaasaateqarfiup atuutilersinneqarneranut ilanngutissapput.

Konto pingaarnermut 87.75.01 Pinngortitaleriffimmut angallat nutaaq

Pinngortitaleriffiup nutaamik angallatinissaanik Naalakkersuisut isumaqatiginninniarnernik pisinissamillu piginnaatinneqarnissaannik oqaasertaliinissaq siunnersuutigineqarpoq. Oqaasertaliussat spaniamiut piukkunnartumik umiarsualiorfimmud tapiisinnaanerannut atuinissamik periarfissiillutillu aningaasaliissutit iluanni tassunga atuisinnaanermut periarfissiippat.

Oqaasertaliussanut allannguutissatut siunnersuutit nr. 238-imit 259-imit **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

5. Aningaasaqarnermut Ataatsimiititaliap inassuteqaatai

Sammissaq 6-ip ataani allannguutissatut siunnersuutit nr. 85-imit 98-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 7-ip ataani allannguutissatut siunnersuutit nr. 99-imit 107-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 8-p ataani allannguutissatut siunnersuutit nr. 108-mit 116-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 9-p ataani allannguutissatut siunnersuutit nr. 117-imit 121-mut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 10-p ataani allannguutissatut siunnersuutit nr. 122-mit 196-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 11-ip ataani allannguutissatut siunnersuutit nr. 197-imit 198-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 12-ip ataani allannguutissatut siunnersuutit nr. 199-imit 203-mut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Sammissaq 13-ip ataani allannguutissatut siunnersuutit nr. 204-mit 237-imut **akuerineqassasut** ataatsimiititaliami amerlanerussuteqartut Siumup, Demokraatit Inuit Ataqatigiillu **inassutigaat**.

Oqaasertaliussanut allannguutissatut siunnersuutit nr. 238-imit 259-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.


Allannguutissatut siunnersuutit pingajussaaneerinninnissamut saqqummiunneqartut Inatsisartunit taasissutigineqareerneranni inatsisissatut siunnersuut tamarmiusoq

iluserilikkamisut iluseqartoq **akuerineqassasoq** ataatsimiititaliami amerlanerussuteqartut Siumup, Demokraatit Inuit Ataqtigiillu **inassutigaat**.

Allannguutissatut siunnersuutit pingajussaaneerinninnissamut saqqummiunneqartut Inatsisartunit taasissutigineqareerneranni inatsisissatut siunnersuut tamarmiusoq iluserilikkamisut iluseqartoq **itigartinneqassasoq** Ataatsimiititaliami ikinnerussuteqartumit Partii Naleqqap ilaasortaataanit **inassutigineqarpoq**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.


Karl Kristian Kruse



Niels Thomsen



Aqqaluaq B. Egede




Jess Svane



Múte Bourup Egede


Mala Høy Kúko


Jens Napaattooq